



~ 16  
2793  
6



門 16  
疏 2793  
卷 6

空同子集

卷之二十六

北郡李夢陽撰 東莞鄧雲霄歛潘之恒蒐校

詩類五之四 五言律

邊君生日來訪時近中秋不虞雷雹二首

繁臺院閣餞沈子之雲南并懷劉子二首

送姪木甥嘉會試 繁臺冬餞翟子二首

丙子生日答內弟璣

雪後寺集夜別王子

早春懷上方寺 春日過李氏因贈

送鄭生 東張含

昭和十九年  
六月三日  
購求

憩長葛端壁寺偶遇使人王卿齋監察毛君詩  
劄到困頓中口占馳寄亦咎遊山之約

月夜柬張含 送張含

秋日讀王子赴江西時諸曹贈行篇什感賦

繁臺送張內史侍母還蜀同毛素監察三首

丁丑重九繁臺酒集

寄王憲使二首 寄崔內史病還鄴

早春宴黃宅

送右轄王子通除赴嵩山之役以獄事

送余生南監 繁臺秋餞何子二首

再餞何子 喜李生自京師歸

送柳儀賓進聖節表

中秋別鄭生

巳卯元日內弟璣見過二首

送戴氏 寄毛監察

雪中鄭生見訪 雪中蘇生以詩見過

春初大道觀訪蘇生

寄陳浚

贈僧懷讓越人也嗜酒其居有借樹軒

逢郊王子 徐子過別因而留宿

洪法寺遇鄉僧

送張生還金齒一首

送鄭淳入閩

送王左史入覲

送姪竹赴京聽除

送長垣尹赴召二首

寄熊御史塞上

秋日王子臺上

酬錢子錫山之招

送王子如淞江

晚過孟氏雷雨遽至會王子亦來二首

僧園秋集同田生二首

春日宴山泉王子之第同左田二子二首

酬贈閣老劉公四首

送田生讀書上方寺

登鐘樓答田秀才作

別鄭生

送白帥留守中都

再送白帥

再送鄭生

譚劉二子過賞牡丹

春日寄題崔學士後渠書屋七首

小園花發譚劉二君訂遊涉夏始至席上三首

送呂先生四川衡聘

贈孟監司赴任三首

送譚子二首

贈林監察阻雨郊館

庭菊紛披有懷王喻二君子

晚秋王喻二監察見過二首

菊日任君見過

寄鄭生二首

右次贈答一百首

五言律四

贈答二

邊君生日來訪時近中秋不虞雷雹

怪爾生辰日高軒特過吾秋驚飛雹至雨逐去雲無  
上壽須君子同聲愧老夫毋勞問隱顯乘月有清壺

其二

電過天仍雨庭空晚復雷連牀慨往昔且馬得徘徊

暗藥香賓席秋燈燭壽杯非君有家慶肯放夜輶廻

繁臺院閣餞沈子之雲南并懷劉子

斗酒重陽後危樓萬里前停雲忽蔽地起鶴故橫天  
斜日留傾蓋踈花影別筵忍看驄馬使遙向碧雞邊

其二

豈料吾劉沈提刑繼入滇經過此臺上共醉菊花筵  
日落杯光動樓空海色連無論卽萬里身世轉蓬前

送姪木甥嘉會試

二子趨南省同車向北燕苦心衝鴈雪得意佇花天  
合浦珠光會豐城寶氣連諒懷鵬舉志吐膽鳳樓前

空齋集  
繁臺冬餞翟子三首

野館逢君日相逢復惜違暖崖花尚發冬樹果初肥  
斧鉞從天至家山傍海歸懸知稱慶處不獨錦爲衣

其二

邦君榮大禮星使返三台路指東方入尊留南郭開  
館深松自靜筵暮月還來明日山河異無言不醉迴

其三

爲慕梁臺勝紆君駐馬觀風霜當夜急樓閣近星寒  
醪酎猶更燭徘徊數倚闌知君有家國忍向北雲看  
丙子生日答內弟璣

今夜今年聚誰知骨肉稀汝猶悲燎粥予豈那于飛  
對火霜威入侵杯月色微斗斜燈更續不是醉無歸

雪後寺集夜別王子

僧夜晴遊地月高鐘磬聞塔光斜照雪香氣上蒸雲  
客向杯前聚途於醉後分別離誰不爾繾綣獨斯文  
早春懷上方寺

此寺城中僻邊城野四圍青天直塔上落日稱僧歸  
殿古松風入臺春草雪微覓碑吾不嬾所慮鳥驚飛  
春日過李氏因贈

偶憶孩童日能禁老大悲向來門巷接長是酒筵隨

禮樂儒門舊風花世路疑不須辭夜飲春月正逶迤

送鄭生

河水未盡脫怪爾駕舟還言向金陵去春登江上山  
綠波元楚徵芳草自吳關寶劍男兒在那憂行路艱

柬張舍

戰國侯嬴里梁園李白杯夏驕惟溽雨秋弱尚鳴雷  
病館經旬滯歸旌萬里催別書期早寄莫俟北鴻廻  
憇長葛端壁寺偶遇使人王卿齋監察毛君  
詩劄到困頓中口占馳寄亦答遊山之約  
遠爲長葛憇忽接許昌吟不覩暮雲句那知春別心

早花連潁岸晚日下嵩岑咫尺盟難踐何須問古今

月夜柬張舍

風餐涼雨過露坐晚林幽汝對梁園月孰如金齒秋  
常星皆北拱顛海獨西流萬里清光再應懷今夜遊

送張舍

明發車南指滇城更復南秋驚洞庭葉雪壓貴州嵐  
念汝此行遠求官今尚淹保昌山塢側好結望京菴

秋日讀王子赴江西時諸曹贈行篇什感賦

接攬西江轡同懷振鐸年匡廬並突兀鄱水日悠然  
子進薇花省予歸蓮葉船梁園邂逅地把酒對秋天

繁臺送張內史侍母還蜀同毛素監察

幸值高秋霽何愁蜀道難顧瞻知國念跋涉爲親歡  
露菊沿江熟風林過棧寒故園如有夢應在五雲端

其二

翰苑飛名久梁園接席初文談白日下涼露碧林疎  
劔閣天真險巴山錦不如饌親知盡樂日日有姜魚

其三

飲暮不歸去繁臺秋正深侍臣軒偶遇驄馬酒同臨  
去國三川路停雲萬里心西南鴈不到吾遲尺魚音

丁丑重九繁臺酒集

高會今秋始重陽逐歲同上臺寒日午開閣古林風  
且酌黃花醉休嗟白髮翁舊曾游不須問天際有飛鴻

寄王憲使

反側須開縣安危亦仗兵饒山夾岸密鄱水向秋清  
部使輕裘入餘黎裹飯迎怪來服從易爲懼靖南名

其二

傳爾提刑地思予攬轡游湖山不改秀蛇虎向來憂  
賣劔元能事褰帷營此州范公芳未泯亭在北山頭

寄崔內史病還鄴

漳浦新歸客文園舊病身乾坤金馬外杖屨碧山春



書合虞卿著耕非桀溺倫漢庭文賦筆誰及茂陵臣

早春宴黃宅

岐路風花裏乾坤醉眼中事隨年共異春與昔還同  
相聚今何夕相看各已翁夜和杯更暖休負燭花紅

送右轄王子通除赴嵩山之役以獄事

遽有嵩山役恰然逢此春旌旗拂袖入車馬駐蘿新  
坐愛溪花發行憐寨獸馴時雷蘇萬物君重係累民

送佘生南監

江門柳色暗四月浪花高爾抱魚龍志休隨雀燕曹  
金山入紫氣壁水動青袍倘慮音書隔南風有順毛

繁臺秋餞何子

會少憐君暫臺孤引望頻清秋屬過鴈落日有征人  
華嶽元通洛黃河不棄秦異時愁獨上千里見嶙峋

其二

候吏催遲暮遊人怨解携十年內供奉萬里竟關西  
地古饒文物時平罷鼓鼙巡行有佳興應徧絕崖題

再餞何子

武塲重布席文士此分襟人世東西路秋天日暮陰  
杯光搖弱草庭色下饑禽他日關中使無忘汴上音

喜李生自京師歸

北極星齊入中原爾獨歸田園自松菊身世有庭闈  
魚可一錢買花常四季飛感時臺莫上恐濕賈生衣

送柳儀賓進 聖節表

萬國生辰表天王北狩時雞鳴元紫禁虎拜亦丹墀  
漢樹霜楓古堯莫露莢移無辭醉宮酒當是舊朝儀

中秋別鄭生

別離誰獨免此別是中秋爾上袁宏艇予登庾亮樓  
羽衣飄北檻漁笛起中流炯炯共明月那堪兩地愁  
已卯元日內弟幾見過二首

內弟元朝過柴門午一開相尊吾足辨椒頌爾須裁

天地水霜變江湖日月催鬢毛斑欲甚誰忍復春來

其二

汝今年四十而我八年多世路憐書劍生涯笑薜蘿  
遊將花並放醉擬鳥同歌莫問朝元日傷心是玉珂

送戴氏

兩河飛雨盡萬里不塵沙白馬朝天客春風御柳花  
聲名新上計袍笏舊傳家諒有蘭臺擢應難捨伏伽

寄毛監察

江漢歸鴻鴈乾坤罷虎狼薜蘿吾故土驄馬爾何鄉  
岍樹霜先赤籬花晚自黃向來杯酒地臺柏但蒼蒼

雪中鄭生見訪

萬戶風花起吾門爾一開驚看破履跡笑指白鬚來  
驢爲登橋熟船非訪戴迴今朝梁苑賦合試賈生才  
雪中蘇生以詩見過

楚楚眉山裔儒林美白眉竭來白雪裏惠我陽春詞  
結綬終相慶投珠莫自悲長安馬蹄疾是爾看花時  
春初大道觀訪蘇生

草生壇雪盡宛宛孤雲輝怪爾黃庭罷雙鵝不換歸  
牕鐙留夕照欄竹伴春暉安得頻過此談玄兩不違  
寄陳浚

借問垂雙翅何時奮一飛黃金不易就黑髮漸應稀  
山雪騎驢出江風捲釣歸所嗟冠蓋地獨爾薜蘿衣  
贈僧懷讓越人也嗜酒其居有借樹軒

訪舊來東社焚香對病禪素琴真與寂濁酒反通玄  
隣樹當經牖春花落講筵不逢支遁語誰解越中傳

逢郊王子

相思汝水月相見帝城春紫邏雲煙迴青門柳色新  
豈如題鳳侶疑是好鵝賓醉卽揮鞭別金龜報主人  
徐子過別因而留宿

豈是陳蕃榻能淹孺子棲無言向春月難寐及晨鷄

空同集  
鈎幔回牕色梳頭過鳥啼如何艷陽節與爾惜分携

洪法寺遇鄉僧

爛熳春遊處重來冬日淒風松猶故壑露葉已新蹊  
廢井浮陽出魏阡凍霧棲逢僧話鄉曲寒望轉萋迷

送張生還金齒

萬里來何事三年此復過高秋鴻鴈下落木洞庭波  
歲月長途老風雲後進多百蠻家更遠自愛莫蹉跎

其二

大雅流重譯殊方挺上才批鱗書幾上塌翅首頻回  
白髮南荒路秋風北宋臺三杯邂逅地爲爾一徘徊

送鄭淳入閩

江海發春濤南浮二月初花行浙口盛雲近武夷高  
土布離鄉貴杉鷄詫容號延平津倘過珍閩匣中刀

送王左史入覲

帝里花應待玉筵醴暫違舟從春水上人是錦衣歸  
日月瞻新袞風雲壯舊畿辭朝君卽返莫賦北山薇

送姪竹赴京聽除

皇王寶曆開汝上黃金臺氣色三光正人心萬國來  
拜除將檄入辭謝袖香迴幸會風雲路行伸駸裊才

送長垣尹赴召二首

君赴蘭臺召誰看此縣花久知聽是馬當許鷺隨車  
日月新明主乾坤舊一家異時縑帛賞應首及孫伽

其二

要地徵名尹新朝急俊臣班升玉笋曉臺散紫蘭春  
萬水元趨海群星自拱辰誰言大河上白首有垂綸

寄熊御史塞上

漢官持斧處天險惜離群塞口孤城斷峯腰細澗分  
胡天秋更慘殺氣暮還雲定有憂邊計緘馳達聖君

秋日王子臺上

暑霽名王會臺成上客過清秋踈草亦落日上笙歌

天地銜杯盡風雲傍檻多聖明今御極誰復慮干戈

酬錢子錫山之招

南遷公約我北望我懷公陽羨春芽秀荆溪早稻紅  
乘槎伍胥口采藥洞庭東何日酬吾志江濤日夜風

送王子如淞江

寶劍寒無色蒼然海上行異書探戰伐高論動公卿  
何日爲毛遂前身是賈生誰憐同學子章句獨虛名

晚過孟氏雷雨遽至會王子亦來

王褒真畏友孟浩復多才下馬雲徐暮開尊雨驟來  
疾雷當戶落驚電觸簷迴坐待明星出無疑曉漏催

空齋集  
其二

霽月出還沒驕雷東復西千門螢火動六月候蟲啼  
共是天涯客能忘雨後題吾詩催仗汝好放片雲低

僧園秋集同田生

榴竹晴相媚秋光滿給孤微風梢果重殘暑入林無  
寶塔金杯映青天白鶴呼不須談浩劫吾醉亦忘吾

其二

自笑紅顏日僧今白首看秋風修竹過臺殿碧梧殘  
鐘磬昏仍起壺觴醉不乾塔層思盡上恐逼斗牛寒  
春日宴山泉王子之第同左田二子

入殿笙簫合開筵錦繡圍苑枝春競發臺日晚猶輝  
語燕窺吟管飛花坐舞衣二豪同醕酹與爾月中歸

其二

已恨韶華劇能孤爛熳游鶯啼簷樹換蝶戲檻花流  
賓客朝開宛笙歌晚入樓但看今會者孰與漢枚鄒

酬贈閑老劉公

雷奮龍猶臥雲俱鶴自閒一杯茅野月雙屐謝公山  
貴客常辭避田夫數往還桂庭秋偃蹇公醉拉誰攀

其二

大號更嘉靖明公會古稀老驚詩律健閒愛醉游歸

庭戶羅花竹兒孫導綵衣向非千仞覽那見太平輝

其三

壽席秋能半賓庭月故圓前身金粟佛今代玉堂仙  
兔巧元供藥龜靈豈筭年蠅頭燈下字猶注紫霞編

其四

野綠情真逸香山望獨高酒嫌裴相淺詩掩樂天豪  
公實當三老吾虛受二毛人遐室幸邇音惠莫言勞

送田生讀書上方寺

嗜靜甘違俗藏修合就僧綠移開徑竹寒掃護牕藤  
殿閣秋陰下琴書爽氣增不須匡氏壁常有玉蓮燈

其二

寺壓孤城斷堂開積水圍一僧當茗竈群鷺狎荷衣  
被酒時登塔持書晚坐磯鶴騰知客至嗟汝詠而歸

其三

涼雨滿庭戶冷然松桂幽隔雲清磬濕向夜一燈留  
營火輝書幌烏啼上佛樓諒多今古意先著宋春秋

登鐘樓答田秀才

老足秋能健朋游嶽益豪眼當孤閣放身已百層高  
霜壁搖朱杞風簷落白蒿生平望東海一釣有連鰲

別鄭生

白首還離別，長途倍苦辛。  
憤時惟按劍，避世謾垂綸。  
江海烟霜日，乾坤去住身。  
臨河見雙鴈，杳杳向秋旻。

送白帥留守中都

幕府開淮甸，山河繞漢陵。  
曉霜迎旆入，王氣及秋澄。  
弩卧銅牙澁，矛拋綠蘚增。  
黃金印如斗，應有異時徵。

再送白帥

聖主下龍章，將軍入鳳陽。  
地盤淮海壯，天擁漢陵長。  
檠戟新開府，威名古辟疆。  
十年元萬世，王道是金湯。

再送鄭生

聞君數日住，使我百憂寬。  
池館杯觴易，天涯故舊難。  
久晴冬欲暖，近水晚猶寒。  
惜取防身劍，慙慙醉裏看。

譚劉二子過賞牡丹

載酒來朋遠，尋芳出郭遙。  
遇花雙蓋住，繫柳一驄驕。  
野席留香迥，晴尊助艷嬌。  
誰言闌百寶，吾有玉鸞簫。

其二

學舞花將起，矜歌鳥自來。  
日筵隨蔭徙，風袂入香開。  
李白昭陽調，姚黃洛下杯。  
古今君莫問，且促醉輶迴。

春日寄題崔學士後渠書屋七首

草閣臨何地，花天想後渠。  
傍墻應植柳，俯岸幾跳魚。  
好撰王褒頌，休親郭橐書。  
改元新禮制，側席待相如。



其二

石白雲花瑩湍青水葉香野情鷗鳥足紗帽世塗忘  
問字船能過聽鶯客不妨無言潭是暇當有草玄忙

其三

鮑客春遠鄴崔渠遂盛傳水溶漳岸日草碧魏城天  
徑竹竿竿秀汀花朵朵鮮但無醒酒后物物勝平泉

其四

敞敞渠邊屋輝輝座右銘竹琴晴愈靜蘿燭夜還青  
洄水明卿月陳家聚德星泥中雖近戲僕隸解談經

其五

是否龜蒙鴨將無逸少鶩內官聊一戲道士敢頻過  
自坐蒲磯飲誰攀柱榷歌絕絃知不易白眼向山河

其六

賦筆多崔瑗朋車媿呂安碧渠何日到雲樹一春看  
南果枇杷活西郊苜蓿寬覓君終繫馬艤棹是何灘

其七

且養岷山鳥沐焚學士魚窮通不在我水竹漫成居  
綠薜深藏屋丹花淺映渠幾時朝聖主人擬治安書

小園花發譚二君訂遊涉夏始至

尚有春留賞無言客過遲砌紅殘芍藥園綠半荼蘼

空同集  
邂逅情真倍追隨酒莫辭有懷君盡放得意是佳期

其二

繾綣杯侵夜紆徐月轉庭醉尋松影立涼愛竹風聽  
老去朋情怨年來世事經玉繩天歷歷誰識少微星

其三

涉夏榴能綻深更容尚遊群行逢樹問獨立爲花留  
就月還移席呼兒重洗甌醉眸橫北斗曙角起城頭

送呂先生四川衡聘

大省文衡重名師禮聘遙閣雲寒暑旆棧月引星軺  
古帝盤叢國今人駟馬橋好將楊馬董收取貢清朝

贈孟監司赴任三首

孟嘗知汶上縣  
有寄我之作

南輟江湖棹東飛海岱旗勇辭知至性强起爲名時  
氣節聊城箭文章孔廟碑秋風立馬地莫動季鷹思

其二

汶上篇仍在齊東節重過繞臺新柏秀匝縣舊花多  
海色搖行幘山雲護詠窩談天君一問稷下近如何

其三

麋鹿游山性蛟龍臥水心得雲終一起食野不孤吟  
汝去觀滄海予常慕孔林何時挈尊酒同躡太山岑

送譚子

國謚逾年至王臣觸暑行水花邀去節山鳥勸離觥  
久客交人廣携家念土輕玉筵頒扇日應注使回名

其二

聚賞蜂初課分携燕已雛泥驚落夏簾花憶倒春壺  
水路風旗進晴船暑氣無五雲赤日外縹緲是皇都

贈林監察阻雨郊館

積雨淹征旆曾城隔論文一尊真惜酒萬里正橫雲  
京國驄謚屬閩江道派分美名吾實羨何處接高芬  
庭菊紛披有懷王喻二君子

鴈急秋真晚園空菊自黃露團番有色風度不隨香  
却憶初開日君來夜把觴忍今看燭燭獨繞碧籬傍

晚秋王喻二監察見過二首

自種吾堂菊無人共把卮昨來三徑雨忽與兩驄期  
檻霽花逾爽林寒酒故隨坐忘俱醅酌莫遣白衣知

其二

霜日來驄並晴杯沉菊頻古今無逆旅天地幾閒身  
鴈陣寒從急籬香晚自新豪吟不知夜圓月在高旻  
菊日任君見過

菊筵開遇雨秋色轉增孤冷翠元浮席流香故灑壺  
蓋沾卷袖摘徑滑倩人扶莫謂無開霽斜陽酒重沾

寄鄭生

故菊開誰對新醪  
悵爾違耳憎木葉  
下心與塞鴻歸  
兒女催蓬鬢  
家園滯綵衣  
問君稱慶暇  
何處採山薇  
其二

節序仍黃菊  
乾坤更白頭  
文章寧益世  
衣食暫寬憂  
遇客誰談劍  
思君獨倚樓  
遠江寒細細  
似有北行舟

北郡李夢陽撰

東莞鄧雲霄歛潘之恒蒐校

詩類五之五 五言律

月夜繁臺會兩監察二首

送李生還郡二首

甥嘉北來出其謁逢千廟之作予為和之嘉時

謫茂州判

送甥嘉之茂州次玉溪侍御三首

郊園遲王豸使不至

王豸使至復有此賦

王豸使既返東月皎升乃與李曹二子徑觴吹

臺之巔口占柬王子

秋日呂公西園同玉溪侍御二首

西園酒半會玉溪侍御瓜代報至再賦二首

見和君病起鬚白輒有所贈亦答其酒過

和鄭生行經鳳陽 初冬見雪和鮑生

鄭生至自泰山二首

寄鮑崇儒

送趙訓學滿歸二首

秋過內弟漫賦二首

贈陳生二首

七夕雪臺子過東莊

贈程生東遊

寄題高子君山別業

立春柬鄭生問其愁病

送劉尹赴徵

冬日寺集觀趙帥射

丁亥寒食柬養素

喜程生自吳中回致五嶽黃山人音問二首

伏日載酒尋高司封讀書處二首

懷五嶽山人黃勉之

郊居柬竹溪子

聞吳郡黃山人將遊五嶽寄贈二首

東莊冬夜別程生自邑

已丑八月京口逢五嶽山人

京口楊相國園贈五嶽山人

右次贈答四十六首

經長陵詣黃花鎮 白洋城

至黃花 銀山寺

出塞二首 環縣道中

寺 繁臺春望

繁臺別業 高遠亭

詣別業

中湖寺二首 南湖

北望畏雨不至 下南湖

曉行雲夢澤 劉家隔

浮漢 浮江

九江 發九江

豐安莊 圓通寺阻雨

圓通寺阻雨聞石門礮橋斷水湧阻往東林

五老峰 再至洞院

迴流山亭 折桂

團山登望 芝山

芝山寺感事 龜峯

泊安仁

鉛山

市汊夜泊

豐城夜泊

舟往臨江卽事

雨泊豐城

夜行盱江

赴新喻

自進賢趨撫州

雲山渡

玉峽驛夜泊

白沙驛

澗富嶺赴安福二首

鬱孤臺

曉至鄔子驛

再至玉虛觀

仙樓

與駱子遊三山阪三首

上方寺鐘樓

首二

金山

補錄

右次游覽五十八首

五言律五九一百一十四首

贈答三

月夜繁臺會兩監察

路葉風交落臺驄晚並行時寒物色換意遠世緣輕  
異國同觴地危樓片月情暝烟凭檻裏汴水凍猶聲

其二

萬里危樓夜中天朗月時快心真託酒凝望轉停卮  
野色霜元迥林光燭並移依依簷畔鵲先占獨栖枝

送李生還郡

宦美庭闈隔情深郡檄催臘江舟自穩暮日首頻回  
洞橘黃金摘吳魚白雪來汝親知更樂願展治邦才

其二

迥吳門水梁公冀北雲依親歲暮趨郡袂還分  
動蘇臺色春回震澤薰重過應未遠震吏漢廷聞  
甥嘉北來出其謁逢干廟之修予爲和之嘉

時謫茂州判

汝謁雙忠廟徘徊幾度吟暴雲連海白積水帶城陰  
自投看碑淚誰知駐馬心未須悲遠竄不死是恩深

送甥嘉之茂州次玉溪侍御韻三首

已詫齊東謫能堪蜀道行自甘窮塞竄爭柰倚閭情  
劔閣雲中棧蓬婆雪外城大江秋見底待爾濯長纓

其二

蜀道尤非易人言此更難虎風生萬壑蛇徑動千盤  
北望常思關西來不爲官無言羗性異汝當郡民看

其三

雪山天地外經夏雪難消氣冷三城戍光逼萬里橋  
誰言州不好汝去路寧遙縱使胡笳夜猶能夢入朝  
郊園遲王豸使不至



豈少銀鞍馬衝泥許故游清風微進草晴日澹生秋  
掃徑童將倦看籠鶴但收異時高李會佳跡至今留  
王豸使至復存此賦

晴游畚幸雨午出更便風柳重陶潛宅花霑御史驄  
達人元野性濁酒本村翁酌罷桑麻晚歸燈一徑紅  
王豸使既返東月皎升乃與李曹二子徑觴

吹臺之巔口占柬王子

王歸不待月二子共登臺天地劃然皎山河相盪迴  
蟲鳴崖底葉鴈影掌中杯爲問山陰客還能棹雪來  
秋日呂公西園同玉溪侍御二首

圃勝城能曲臺高野更秋席陪驄馬出情爲碧雲留  
移坐鋪林葉添樽面水流潛思歌舞地指點問王州

其二

入院看垂柿臨畦羨引泉寒萋自滿地踈樹不妨天  
野老疑旌旆林鳥下酒筵無云但游衍公意在桑田  
西園酒半會玉溪侍御瓜代報至再賦二首  
北使還朝近西城返照深霜情留果實晚意付花心  
風助林臯爽雲橫海嶽陰茲游如在念應有寄南音

其二

勝地留賓切離筵散酒遲網魚生躍案摘棗脆連枝

草夕鳴蛩動天秋過鴈知河橋明日事願盡掌中卮

見和君病起鬚白輒有所贈亦答其酒過

詫汝鬚添白將無病苦形眼前真過隙身外是浮萍  
客到留碁局兒呼檢藥經昔人曾領酒吾意不如醒

和鄭生行經鳳陽

浩蕩興龍地盤旋踞虎形海吞淮水白天挿楚峯青  
帝宅精靈聚陵宮虎豹扃萬年禋祭禮有道賴朝廷

初冬見雪和鮑生

密雲初布暝踈雨忽成花氣淺冰從薄寒輕白自斜  
敝裘誰念汝孤棹獨思家江上冥冥鴈春風遲去陸

鄭生至自泰山

昨汝登東嶽何峯是絕峯有無丈人石幾許大夫松  
海日低波鳥巖雷起窟龍誰言天下小化外亦王封

其二

俯首無齊魯東瞻海似杯斗然一峯上不信萬山開  
日抱扶桑躍天橫碣石來君看秦始後仍有漢皇臺

寄鮑崇儒

去日猶零雪庭葵遽復花新詩誰和汝父客自成家  
水國乾侵夏田風莽帶沙長淮日易暮珍重早棲雅

送趙訓學滿歸

六旬千里客九載一羶歸路遠琴書重官貧妻子饑  
塞雲迎老鬢河色戀征衣會有秋行伴關山新鴈飛

其二

宋代陳無已唐時鄭廣文道高官獨冷名美世同聞  
汝挈一羶去予憐雙袂分潛潛白首淚長向渭西雲

秋過內弟漫賦二首

赫赫乘龍地蕭蕭羅雀門桑麻猶世業書史但兒孫  
數過看顏帖今來爲菊樽顯親君太晚願化北溟鯤

其二

主賓俱不飲相對坐同深幸有黃花興無論白髮心

游蟲紛落日高葉下踈林靜裏聞鴻鴈疑添徃歲音

贈陳生

少小期鵬運于今尚未飛蒿深仲氏宅鶉結憲生衣  
背郭元桑樹臨河只釣磯奉親知不苦饌有白魚肥

其二

白屋山中相黃河水後田家無釀酒林人索買書錢  
雨過雲流野風來浪接天行行牛角上猶掛古人編

七夕雪臺子過東莊

村落元相接園林亦互游酒天携榼就花夜對牀留  
忽爾雙星候冷然萬木秋誰期白頭日蕭灑共丹丘

贈程生東游

鄒魯風猶在，芒碭氣有無。羈心空大澤，儒行乃長途。  
野艇水迷鴈，村樓凍集烏。無勞怨歲暮，隨處是江湖。

寄題高子君山別業

君山者江陰縣之北山也。高子獲焉，於是自稱君山主人，予聞之爲作君山詩寄焉。

一山背城起，萬古號爲君。秀攬江心月，雄吞海面雲。  
金陵通地脉，玉港發人文。羨彼投簪客，中年卧紫氛。

其二

季札墳邊業，春申邑後山。一江平展鏡，兩港曲成環。  
不雨雲煙擁，長春草木斑。隱君梯萬丈，倘許世人攀。

立春柬鄭生問其愁病

天涯春又至，游子近如何。病久詩難減，鄉遥夢易多。  
藥苗春尚雪，舟楫海初波。舊業方山下，東風徧綠莎。

送劉尹赴徵

戀別當炎暑，淹留到夕暉。徵書昨日下，循吏古人稀。  
風樹涼移席，庭萱晚就衣。明朝五雲裏，爭看兩鳧飛。

冬日寺集觀趙帥射

萬里橫霜氣，長風快順毛。將軍隻弩發，疊中兩鴻號。  
取石敲新火，開鮮弄寶刀。回頭問僧者，何處得醇醪。

空同集 卷二十七 九  
丁亥寒食柬養素

細雨穠花候高齋獨坐辰春風無病物濟世有閒人  
樹濕鶯穿穩泥香燕下頻遙思養素者何處卧松筠  
喜程生自吳中回致五嶽黃人音問

爛熳梁園樹江舟爾恰迴苑桃惟舊列墻柳半新栽  
枝爲來人嬾花迎笑口開吳門春更好幾上虎丘臺

其二

黃子吾真畏程生爾更竒江城傾蓋日渭北暮雲時  
寶劔神終合冥鴻性不移忽思千里駕慚愧昔人爲  
伏日載酒尋高司封讀書處

鄭門古城曲小築成幽園爲厭朝簪擾兼辭人境喧  
矮堂交雜樹炎日駐游軒默默林中意相看對一尊

其二

養寂爲園卧尋幽當暑過林深得日薄地靜覺蟬多  
舊業元秔稻新亭復薜蘿誰憐朱紱客遽戀白雲窩  
懷五嶽山人黃勉之

吳下元多士黃生更妙才心常在五嶽名已動三台  
系自汝南出文從西漢來各天難見汝翹首獨徘徊  
郊居柬竹溪子

當春弄杯醖花落恨紛紛重來日復幾飛葉滿秋雲

寒流下鴈影古戍噪鴉群殘菊猶堪把長謔獨憶君

聞吳郡黃山人將遊五嶽寄贈

昨報三吳客將尋五嶽遊薜蘿堪製服春水正宜舟  
二室雲中峻三花煙外浮住居吾幸適先肯到嵩丘

其二

天柱峯頭雪蓮花嶺畔雲朗吟惟李白獨往更黃君  
嬌嫁今應畢藜藜有幸分共躋恒岱徧歸著五遊文  
東莊冬夜別程生自邑

萬里孤村夜踈燈對語心風枝時響牖寒序故明林  
秦隴新遊壯江湖舊恨侵側知南橐重爲有華山吟

已丑八月京口逢五嶽山人

夜雨清池館晨光散石林一舟相過日千里獨來心  
樹擁江聲斷潮生山氣陰異時懷舊意應比未逢深  
京口楊相國園贈五嶽山人

遠客乘秋至名園水竹分林寒畚易雨池靜合偏雲  
卧疴思知已逢君愜素聞蕭蕭綠雲裏誰解有論文  
游覽

經長陵詣黃花鎮

沙嶺群峯會黃花一徑穿臨崖防馬駭枯木有蛇懸  
鎖鑰關門壯星辰陵闕連舊驅悲虜賊得失豈皇天

白洋城

京西太行掩孤壘白洋間  
已巳曾通賊居庸並立關  
水合桑乾去峯連塞上山  
聖君敷遠德秋日戰旗閒  
至黃花

至黃花

黃花城壓岑山合晝多陰  
坐見五陵霧來爲九月霖  
泥生劒戟澁寒重鼓鼙沈  
寂寞松林外那傳孤鴈音

銀山寺

銀山倚鐵壁天外削三峰  
不見林中寺來聞午後鐘  
僧徒住石屋雷雨拔門松  
西望諸陵接雲成五色龍  
出塞

胡蔓黃河限秦亡紫塞存  
積沙浮落日塞霧宿疎城  
哨馬三邊動燒荒千里昏  
將軍拜金印白骨不曾論  
其二

積日淡無暉胡沙驚自飛  
望煙尋戍壘聞鴈忽沾衣  
大將搜套遊兵出武威  
賀蘭山下戰昨日幾人歸

林道中

西人習鞍馬而我憚孤征  
水抱琵琶寨山銜木鉢城  
裹瘡新罷戰插羽又徵兵  
不到窮邊處那知遠戍情  
寺

不觀空王宇誰興浩劫心  
散花疑白象布地果黃金

小霧飛梁灑夕陽迴殿陰獨嗤簪紱客遊賞託雲林  
繁臺春望

野曠孤煙靜高臺獨望時地殘隨氏苑天濶禹王祠  
晚日雲爭白陰崖花自遲目斷南來鴈蕭然故國思

繁臺別業

地亦因臺峻天能縱屋高宋朝四帝國禹廟九河濤  
上下見陵墓風煙含野蒿昔人聞醉此簡懶愧吾豪

高遠亭

虛亭葢樹杪四顧果平蕪嵩嶽杯前出濁河牕外紆  
寺杉時送響塔鶴每來呼一約朋知飲歸車醉每扶

詣別業

跼蹐豈吾事郊遊惟獨行風回疑引騎雪落故連城  
塔樹凝先白臺雲曳未平感時侵歲晚白髮暗心驚

中湖寺

龍象何年地千巖一澗迴我來尋石鏡隔竹望香臺  
樹繞啼猿入人從鳥道來坐餐霞氣晚只擬是天台

其二

陟嶮扣巖扉一鐘鳴翠微丹崖森竹樹雲壁映花飛  
屋隙鳴泉寫山昏麋鹿歸松風高壑起雲臥欲沾衣

南湖



空同集  
中湖果奇絕逾嶺復南湖石磴迴相倚巖泉有乍無  
開牕衆壑積當殿一峰孤更覽千林竹因懷長嘯徒

北湖畏雨不至

亂山上雲氣孤客發西岑徒瞻北湖寺其如東路心  
嶺猿愁暝雨巖鳥下空陰回首太行麓蕭蕭松橡林

下南湖

湖僧騎牝馬相送石門峯歆仄亂石路日暝漁樵逢  
蒼茫翠微裏風落青山鐘羨爾巖居者終期塵外蹤

曉行雲夢澤

曉行雲夢澤雲起失湖村歷歷橫江雨冥冥遠岫昏

鼃鼃當馬吼鷗鷺背人翻欲擬浮湘作吾生異楚魂

劉家隔

匹馬淮山盡孤舟漸楚歌遠商吳蜀雜新雨漢江波  
驕燕斜斜下輕鷗片片過整帆遲明發天色定如何

浮漢

杳杳向前城揚船浮漢行水聞天上轉色出雨中明  
已近鳴鷓月長看龍霧生陳詩歎秣馬風浪獨含情

浮江

浮江晴放舸挂席曉須風日倒明波底天平落鏡中  
開牕問赤壁捩柁失吳宮萬古滔滔意潯陽更向東

九江

九江江九流廬嶽負江州世代催前浪圖書羨上游  
城孤落日映虎去暮天幽夜笛鄰舟送曲終無限愁

發九江

已發南風盛須時且復停岸沙延繫纜竹色隱回汀  
行待江水穩臥看廬阜青此生誰固料湖海一浮萍

豐安莊

地氣南逾熱僧林晚暫栖雲開一江去日在萬山西  
修竹涼風至昏鴉古木齊凭高忽灑淚清世有征鼙

圓通寺阻雨

巖扉鄰虎穴淹坐面猴江山動雲生眼風迴雨入牕  
漸交松際響驀關石間瀧鈴磬煙蘿外高峰只自雙  
圓通寺阻雨聞石門磴橋斷水湧阻往東林  
石門雨斷橋途阻虎溪遙仄想遠公室秋蓮應盡飄  
愁猿吟霧裏落葉重林腰更有天池望巖巖向碧霄

五老峰

東南濤浪吞五老古今存秀色彭湖浴諸峯廬嶽尊  
中宵見海日南斗豁天門霜雪顏常靜雲煙解變魂  
再至洞院

昔別秋色苦今遊風澗清穿石竹猶活雨過泉自生

禮殿古門換釣臺新路平獨來誰每見雲日此峰情

迴流山亭

亭高山盡入回首見鄱陽天地開吳楚絃歌有宋唐  
峰雲低棟白湖日倒碑黃六月吾來此涼風不可當

折桂寺

折桂何朝院開基分翠峰牕明五老雪門掩半嵯松  
泉瀑飛人過香臺印虎踪千巖誰得到百里但聞鐘

團山登望

石壁朝饒  
二山名

團山當縣口石壁對朝饒日  
風雲餘霸氣吳楚混前朝秋水年年

芝山望

吳楚分何代乾坤此郡孤江從樹裏斷山入雨中無  
戰鬪名空在英雄世與祖酒酣撫長劔極目盡重湖

芝山寺感事

偶到芝山寺遙傷薦福碑霜雪十月動秋戰萬家悲  
涼入丹楓墮嵯高黃葛垂洪鈞融萬物黔首獨旌旗

龜峰

立壁有天地浮雲無古今仲冬諸客到落日亂峰陰  
峭峽通人過危巖把酒唸竒多看徹昏黑更登臨

泊安仁

官舟商泊同城近月濛濛戍鼓夜長擊漁燈時自紅  
烏鵲枝難穩豺狼穴易空向來論大樹心切古人風

鉛山

山水交閩越東南古縣聞一峰晴冒雪兩水晝蒸雲  
石井鵝湖倚車盤鳥道分儒官荆棘裏寒葉痛紛紛

市汊夜泊

此夜章江月無端照獨舟人生真梗泛歲暮且帆遊  
臘逼寒燈焰波吞霽雪流坐吟風鴈起漁笛滿前洲

豐城夜泊

夏至北風至晚晴涼意增江船逼新月沙色亂疎燈  
暗焚故相撥浮陽還自蒸倚檣看劍氣仍見斗間曾

舟往臨江卽事

直嶼含風細中江放舸安地隨帆席轉風進晚潮殘  
霞樹迎牕過晴山卷幔看遙驚雙浴鷺色舉向雲端

雨泊豐城

古岸花層濕陰江鷗半飛波迴撼船重雨側入簾微  
潭愛金華湧亭傷寶氣稀二年三歷此腸斷北舟歸

夜行盱江

燈火遵山閃旌旗折路頻仙壇杳不見片月故鄉親  
土俗漸異楚人言多雜閩豈無語不足訟簡愛吾民

赴新喻

露樹且烏啼孤舟晨向西蕭灘千百轉昏暮到羅溪  
古驛屯雲密平沙沒日低楊帆更前去月夜不須迷

自進賢趨撫州

炎域霜何厲寒原木欲稀肩輿隨落葉晨日上征衣  
路勢東南轉北風鴻鴈歸東鄉新血戰巢破鳥猶飛  
雲山渡

渡古雲山積江明日色饒霜融水更落野靜路堪遙  
冠蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長  
古峽銜孤驛名山引玉梁前途堪躍馬且發問仙鄉

白沙驛

沙古幽幽白江新泯泯清水街村作國山繞驛爲城  
萬里將南徼孤槎且暮征壯心與落日的的向波明

澗富嶺赴安福二首

三月赴安城遙攀嶺路行前驅真避虎絕壁亦啼鶯  
周覽物色換極高雲氣迎俯看南贛路孤舸會將征  
其二

山行忽百里步步山情新蘿擁千盤透花齊萬谷春

空同集 卷二十七 九  
寒暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌爲閩廣指顧盡江湖  
南俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨樹落月隱春洲  
日抱越峯上江奔吳徼流姚源東水外兵甲氣還浮  
再至玉虛觀

龍沙欣自昔久泊遂今期雨露新松大丹青舊殿移  
岸雲通繡拱江日抱金池欲倚門東閣愁看日暮時

仙樓

仙樓忽欲暝鐘鼓下江煙獨坐一燭秉當門新月懸  
石寒壇近斗沙靜樹浮天半夜朝羣帝珊珊羽節還  
與駱子遊三山陂三首

庫部平生友湖山百代心追思宮闕地蕪沒水雲深  
連馬穿蘆入羣鷗坐石吟誰能堪落日莽莽古城陰  
其二

丘壑胸應滿乾坤眼獨真揚鞭指河洛立馬說周秦  
古墓笙歌地前朝戰伐塵秋風颭颭起白草正愁人  
其三

日扇逢林却風旗改路迴悲涼元此嶽攀陟復何臺  
雲破遠峰出天秋孤鴈來明朝異南北歸騎莫教催

上方寺鐘樓

臺上一鐘鳴登臺萬里平兼葭天正遠雲氣暮還生  
饑雀喧空澤黃蒿斷古城不堪臨眺屢况是感秋情

其二

危閣秋登霽寒煙晚坐重長風欲動地落日故銜峰  
葦颭騰雙鷺雲拖挂一龍此懷吾不淺怪爾暮鳴鐘

補錄

金山

狂瀾日東倒此嶼忽中流蜃學樓臺結龍專瀕洞遊  
光涵天上下影變地沉浮解識超三象何須問十洲

其二

歷險仍攀閣窮高更指臺一身銀漢上四望鏡波開  
吳楚地形伏江淮秋氣來暮潮益滾滾風葉下崔嵬

其三

寺立江心古人遊秋舸新魚龍狎不浪草木潤長春  
忘險卑崇構貪竒健病身無爲孤柱恐焦鳴接嶙峋

箋云金山詩三首是先生晚年過吳時作其格  
律嚴整可謂克壯其猶他人稍放逸便失故步

益服此老為不可及如吳楚地形伏誰人能道  
豈惟張祐奪氣哉

空同子集

卷之二十七終

空同子集

卷之二十八

北郡李夢陽撰 東莞鄧雲霄歛潘之恒蒐校

詩類五之六 五言律

乙丑逢先大夫誕辰是歲適蒙 恩詔加贈製  
字四十用寫哀痛

兄以西堂落成益悵然有念於二親余心交痛  
頌義追德爰成茲詠焉

讀直道陳公祚遺事

哭郡守郝公

哭張子二首

謁平臺先生墓

溫將軍輓詩



聞鄭生死豐沛舟中二首

右次悲悼十首

風

春夜雪

餘雪

春雪時

帝在宣府

立春日雪

鸚鵡

詠部鶴

詠鶯

詠白兔

鴈

衝鴈

白鴈

襄中見鴈

菊

菊時一種數本其一逾秋獨妍爰及至日黃華

韓然當庭見者駭歎攜酒來賞予賦二詩

菊遲

文菊和王左史

葡萄

聞蟬

詠蟬

詠庭中菊

小燕

小雀

小鵲

右次詠物二十五首

詩類六 五言排律

華嶽二十韻

新秋值雨十韻

五月大雨省中八韻

紀變二首

冬日靈濟宮十六韻

簡何舍人二十韻

少傅西涯相公六十壽詩三十八韻

在獄聞余師楊公誣逮獲釋踴躍成詠十韻

赦出館李員人別業顧侍講清暨汪編脩俊俊

弟編脩偉許枉訪不至十韻

赦歸冬日宴劉氏園庄十四韻

冬至劉氏園庄十韻

冬野觀射三十四韻

六月豫章城角樓宴集二十六韻

鄱陽湖十六韻

哭徐博士二十韻

南浦驛見官押送來降韃靼詣桂林

貢院雨夕柬僉寮內江李君十四韻

龍沙遇毛君武亭再餞

秋日訪王生山中因與攜酒躡嶠探蠻王洞觀

古刻遂踰嶺造峴石而飲二十二韻

寄陸子深二十四韻

送陳憲使淮上兵備

寄贈余子

雨宴封丘別第

黃君五十六歲始舉一子是年余亦有次郎黃

冬官也厥父尚書余故得侈其家世

秋日城東陂餞注三

雪臺子家見杏花 贈王秋官二十四韻

贈復齋子二十韻 陶行人宅贈

漢上遇鍾叅政 登盤山頂顧望三湖

右次排律三十一首

五言律六凡三十五首

悲悼

乙丑逢先大夫誕辰是歲適蒙 恩詔加贈

製字四十用寫哀痛冬 季 二 日

老大思童日詩庭儼昔趨羈孤萬里外優渥死生俱

寂寞臨花誥幽冥列大夫西雲白蒼莽灑血望松梧

兄以西堂落成蓋悵然有念於二親余心交

痛頌義追德爰成茲詠焉

矯矯江都相淒涼楚穆生家貧無立業道大不求名

破甑常蛛網空除任鳥行肯堂兄不忝應慰九原情

讀直道陳公祚遺事

上主能容直當言敢顧身累朝傳諫劄萬死作歸人

古廟穠花晚孤墳勁草春從來汨沒士特筆在詞臣

哭郡守郝公

征歛無休日斯人不永年曾聞溪虎避早見壁魚懸  
頌碣留邊郡銘旌拂塞天九河一孤塚愁絕海門煙  
哭張子

張子者平谷張子禴也以都御史鎮遼東顯矣  
然無何卒李子者張之舊僚也聞之哀焉於是  
作哭張子二章語曰歲在龍蛇賢人嗟張之卒  
庚辰歲也

虎豹威邊日龍蛇哭爾年故人今若此吾道合潛然  
部曲歸旌擁風雲舊國連薊門秋草徧何處是新阡

其二

翰海龍真泣遼陽鶴竟歸壯心元鐵石神爽尚旌旂  
光繞新埋劍香殘舊賜衣至今生仲達猶怯孔明威

謁平臺先生墓

豈說嬉遊路今成昔雍門平生馬公帳四海孔融尊  
劍馬收殘草山河抱古原黃昏不忍去白日下蒿園  
温將軍挽詩

不見千夫勇誰開百戰圍門猶森畫戟苔已蝕金衣  
俎豆諸郎奮山河奕世輝黃昏兩白鶴徧繞北邙飛  
聞鄭生死豐沛舟中

短劍英雄氣孤舟疾病身那知生別後竟作死歸人

空齋集  
五  
汴柳詩筒斷江花總慢新白頭交誼者灑淚向殘春

其二

客櫂收豐沛歸舟渺越吳扶持有令弟書劔付遺孤  
墓草親朋隔山松舊業蕪當年走馬地魂繞孝王都

詠物

風

鈴閣晚猶急月窓宵漸輝稍驅雲霧散翻重雪霜威  
起坐爐須擁晨看木盡稀徘徊問氣勢恐逼漢宮闈

春夜雪

獨客初春夜孤城急雪時戰風纔白地欺月已平池  
數聽鴻飛亂虛愁花發遲世無戴安道誰見剡舟移

餘雪

饑鳶側目過餘雪且紛紛風起惟催霧天空故縱雲  
回聲捎竹細疊片壓枝分憂國非吾事占年亦自欣

春雪時 帝在宣府

鴉鳴曉雨至零亂忽成花着地融難白隨風弱易斜  
色應疑燕雀寒恐滯龍蛇塞路今休擁春風返翠華

立春日雪

獨有梁園雪風花賦裏寒婆婆遇春日醉起倚樓看  
鳥動紛離樹人來故上闌相逢亟農事誰暇問袁安

鸚鵡

鸚鵡吾鄉物何時來此方綠衣經雪短紅背歷年長  
學語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今  
不染風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣  
不向艷陽語似傷儔侶稀王孫多彈射莫羨上林飛

詠白兔

趯趯來何處爰爰上玉堂不因丹竈躍那覩雪毛香  
晝日行疑月炎天臥有霜異時歸搗藥莫礙廣寒光

鴈

旅館經花夕哀鴻時一聞孤鳴元趣侶亂語欲驚羣  
漸起隨邊角遙傳隔塞雲更深何處落斜月轉紛紛

衝鴈

可怪鄱湖鴈昏飛猶自羣乍翻還近舸忽起盡隨雲  
浦闊看疑小山長去不分祗疑南下盡猶阻北書聞

白鴈

八月白鴈至中宵聞爾哀亦知先伴起無爲報霜來

月靜飛難見雲深去不回故園消息斷愁病轉相催

襄中見鴈

秋風羣鴈過萬里順歸毛搖落已如此雲霄空自高  
盈盈拂楚塞冉冉影湖濤定出邊烽裏哀鳴嗟爾勞

菊

日麗秋霜白天清野菊黃亦知甘隱逸偏得近壺觴  
屢折元因醉斜簪一任狂乾坤傳舍耳節賞莫思鄉  
菊時一種數本其一逾秋獨妍爰及至日黃  
華韡然當庭見者駭歎攜酒來賞余賦二

詩紀之

自過諸芳盡冬深爾獨妍那知冰雪候復敞菊花筵  
藥凍黃逾嫩枝疎綠更鮮試令彭澤見應費掇英篇

其二

正色干巖候殊姿破暮寒名均梅自妬節晚竹同看  
歲月陽回易冰霜爾立難無言載酒客繾綣近闌干

菊遲

吾家數叢菊節近未含姿種日人同早開時爾較遲  
編籬護密葉繞砌嗅寒枝切恐重陽至無錢足酒卮

丈菊和王左史

丈菊今朝得低垂九尺闌發遲冬已破移早露猶團

食菜拳難及憐芳仰屢觀縱令他處有爭伴醴筵歡

葡萄

舊榦疎曾訝新條密更垂苑花深悄悄風葉漫披披  
馬乳秋同摘龍鬚世豈知相傳自西域種雜至今疑

聞蟬

夏林疎過兩秋意爾能知響入雲俱迴聲迴風故吹  
抱貞惟隱葉避害屢跳枝多少垂楊裏爭吟日暮時

詠蟬

孤清不自掩浥露且風吟漸送炎蒸月那知獨苦心  
傍齋棲樹穩響葉度雲深已信一枝足何須上國林

詠庭中菊

亦隨羣草出能後百花榮氣爲凌秋健香緣飲露清  
細開疑避世獨立每含情可道蓬蒿地東籬萬代名

小燕

小燕羣騰壘朝游夕每歸踏枝搖復穩疑路止還飛  
日月銷黃口風雲長黑衣吾家廬室隘好向玉樓依

小雀

黃口青條上翩翩索哺頻解飛猶趨母真性不疑人  
列鼎肴莛待空城彈射巡野田禾黍遍何處不宜身

小鵲



簷際翻翻鳥將雛啾啾行攪眠真懊惱傳喜不分明  
化印何年就填河幾日平徒然盛生息羣噪每能晴  
五言排律

華嶽二十韻

有嶽雄西土三峯插滑川省方朝白帝分野障金天  
逖矣威靈赫遐哉秩望虔百王開寶籙七聖演瑤編  
綺殿丹青列文窓俎豆聯風雲蒸大壑日月避層巔  
鶯舉天門闢翫吐地軸旋巖巒莽翕沓嶺嶂鬱縣翻  
猿挂仙人掌蘿飛玉女泉霞雰夕的皪錦繡曉相鮮  
葛藟搖金壁芝苓冒紫煙石膏滲復結鐘乳滴猶懸  
右壓秦胡壯南包漢鄧偏徒追散馬日緬憶祖龍年  
箭括通神戶雲臺秘妙筌豈惟棲鳳侶亦以遯鴻賢  
方士騎茅狗宮人採石蓮褰帷瞻窈窕拄笏悵攀緣  
陰井邀雷馭陽崖起電鞭聊遊凌絕頂不爲學神仙

新秋值雨十韻

積雨塵營寡端居羈思繁火流驚暗換鶴濕想孤鶩  
鬱暑終收虐新涼已破煩覓詩謝眺閣高枕右丞軒  
簷溜衝花落籬湍卷葉奔隨龍動玉闕辨馬失金門  
亂案螢那聚歐齋蛩已喧造朝疎雨具邀友阻吟尊  
塞國柳應盡上林花幾存忽思禾在野躑躅望朝暾

五月大雨省中八韻

五月行秋令新寒奪盛溫萋萋雲色暝颼颼雨聲奔  
啓戶涼風進臨溝驟浪喧連山浮海氣大陸走河源  
已阻金門謁疑將華屋翻夜更燈燭坐晝輟簿書煩  
豁霽思長劍歸栖憶故園解誦愁霖作泥中非遁言

紀變

元年建申月彗出掃寒芒勢掩旁星布光於中夜長  
連斥竟大老密奏合文昌台以司空坼星知上將亡  
流通人事邇仁愛帝心藏忽憶臨崩詔看天淚數行

其二

太白今宵見光芒何太明經天復晝見國難且胡兵  
度影休銜闕低空幸隱城天高聽亦下人勝運須更  
避殿惟皇切推輪遣將誠羯奴行就縛飛慰諒闇情

冬日靈濟宮十六韻

貝闕崑崙外浮生此路疑蓬萊移禁國塵世出瑤池  
萑爾雙仙跡飛騰後晉時論功竟恍惚識兆且逶迤  
愆憑精靈託呼噓霹靂隨先皇親議號繼聖必修辭  
爵陟王侯上尊同帝者師龍襦分內錦宮女準昭儀  
雨露官城切星辰天仗移琳琅搖繡栱松柏蔭丹墀  
瓶內金花踊龕前紫鳳垂晴還日月秘暝則鬼神悲

玉鼎推龍虎瑤編述姪兒漢惟樂大顯秦竟羨門欺  
五帝非無術千齡今見誰累朝盟誓冊玉櫃少人知  
簡何舍人二十韻

黃扉通內閣左順切文華密勿君臣契尊崇禮數加  
詞頭存故事國體與宣麻奏絕銅函密封非墨敕斜  
四門欽舜闢隻日鄙唐邪乾斷人心協風淳主德遐  
萬方咸就日六合迴爲家司馬元牛走臥龍曾兔置  
吹噓振羽翮變化奮泥沙邦計思劉晏兵謀愧左車  
分番春扣闥捧牘晚歸衙影拂垂城草香攜出苑花  
雙言經遠白虎投筆困青蛇每憶仙池鳳私慙省樹鴉

拘羈那有適追琢冀無瑕不忍醒爲醉胡由玉倚葭  
聖朝巢父耳荒里邵平瓜稔抱丘園欲私祈紀運嘉  
鳴文極燕許熙載老姬牙帝澤川歸海浮雲莫蔽遮  
少傅西涯相公六十壽詩三十八韻

龍馬千年會崧高萬古神負圖曾翊聖間氣又生申  
穎拔元無敵清脩况絕倫生來近日月齧齧上星辰  
懷橘休前輩探鐸祗後身早承金馬詔竟冠玉堂賓  
講幄時霑醉官坊數賜珍文章班馬則道術孟顏醇  
絕藝邕斯上高情頡籀隣一揮驚霹靂隻字破風塵  
絢練王侯宅蒼茫海嶽瀕幽劓光沕窟巨榜照嶙峋

空同集  
星燦將軍碣雲垂學士珉崖題半吳楚墨刻徧齊秦  
振鷺天衢麗登龍野服臻諸生彌濟濟夫子益循循  
江漢誰堪濯桃梅自有春空傳馬融帳真慕介休巾  
憶昔逢先廟援公輔大鈞至人虛密勿君子以經綸  
商鼎調和切虞廷吁咈頻八方生氣象萬物荷陶甄  
日宴離黃閣雞鳴侍紫宸羨分紫駝背袍錫錦麒麟  
顧命留元弼今皇禮舊臣屹然匡社稷公論在朝紳  
鶉首星躔徙龍飛歲序新風雲回甲子天地慶茲辰  
却老形如鶴憂時鬢若銀含悽麾賀客雅志爲蒸民  
愚也蓬蒿士蕭條塞鄙人猥蒙嘘弱羽從此躍塗鱗  
原憲終多病彭宣晚見親臨洋徒歎惋學步轉遭迤  
寶繪開蓬島清歌頌大椿微涓寧溢海撮土詎增岷  
古意同如此中懷托具陳願爲金石檝永永濟迷津  
在獄聞余師楊公誣逮獲釋踴躍成詠十韻  
六苑中丞府三邊大將旗先皇親授鉞報主獨牽帷  
朔漠威名壯風霜鬢髮衰功高元避賞道大不容時  
丞史輕周勃朝廷重子儀未論遭鵬鳥先已縱塗龜  
北固潛夫早東山起謝遲蛟龍沒海闊日月倒江垂  
杖履金山寺文章鐵甕碑終頌陸贄詔四海漸瘡痍  
赦出館李真人別業顧侍講清暨汪編脩俊

俊弟編脩偉許枉訪不至十韻

開業傍仙宮，逶迤金闕通。綵雲偏近日，瑤草靜含風。  
野性耽沉寂，攜遊想數公。秋林葉自落，露井果猶紅。  
搖筆憐清景，吹簫望碧空。寒山萬井外，滄海五陵東。  
却笑籠鵝侶，翻成失馬翁。生涯真畫餅，故舊各飛蓬。  
對食懷金馬，開筵列玉童。不知東閣士，清論幾時同。

赦歸冬日宴劉氏園庄十四韻

脫難旋彊里，行歌入宋中。陰陽雙轉轂，天地一飛蓬。  
憶昨遭拘繫，悲傷途路窮。鄒生猶雨雹，列子竟乘風。  
歸作墟中叟，來從河上公。壺觴聊假日，村塢坐書空。  
卜築劉園麗，芳非漢苑通。冬亭澆霧露，陽井下霜虹。  
候煖冰桃熟，林空晚柿紅。玉芝穿曲檻，青篠蔽虛櫳。  
樂極悲心發，時違感慨雄。古人隨蔓草，吾道付冥鴻。  
去魯情難忍，遊梁跡豈同。重思竊符子，攬淚宋門東。

冬至劉氏園庄十韻

曖曖寒城曙，縣縣野徑紆。初陽升古戍，白露靜園蕪。  
款客琴尊並，開堂松樹孤。登高望雲物，極目散江湖。  
孟澤虵龍伏，芒碭鴈鷺呼。行藏虞氏傳，勳業阮生途。  
且盡留連飲，休嗟序運徂。羣蟲迎節動，百卉待春蘇。  
日月悲羈旅，乾坤識故吾。寄言招隱者，斯地有潛夫。

冬野觀射三十四韻

繁臺一名講武臺

雲驥橋邊路繁臺寺畔亭登臨壯古昔時序歎沉冥  
 乍見芳草歇那堪霜霰零冬殘柏自秀春逼柳先青  
 叨有衣冠會能教酒盞停狂將賓作主與與醉為醒  
 講武仍存記威弧合準經鵠違遵取解貂獲放懸庭  
 矢勁風推疾弦開月避形奔狸失故窟矯鶴墜生翎  
 疊發無單中虛歸必染腥叔才羞縱送蒲弋愧娉婷  
 末德矜先捷高賢晒一丁雖非尚力藝亦異養心靈  
 改服遊荒寺攜壺扣寂扃雪光搖凍薄冷鳥下昏汀  
 宿鵠爭崑坎鳴鐘出石櫺哀因樂乃發慮以道為寧

憶昔遊梁始伊余實孺齡探錄遊汴館懷橘向王庭  
 十五飛觚翰冠年志典刑彎弓獵草澤走馬向林坰  
 頗類沙頭鴈還慚水上萍謬隨朝日月過舉犯雷霆  
 擯斥傷垂鵠棲遲學聚螢無論顏灼灼已睹髮星星  
 岩眺殘雙屨川游寄一舸烟霜日慘慘河漢夜泠泠  
 感舊聊今詠勞歌啟後聽世情真箭括吾意竟雲駟  
 嗜武非良節摛文豈至馨緬思羨門子永慕令威丁  
 海帝金銀闕江妃碧玉瓶終當別茲土長嘯入滄溟  
 六月豫章城角樓宴集二十六韻  
 逃暑宜高會登城復此樓開窓萬里盡近檻一江流

城勢衝天闊山形抱郭幽登臨出百越指顧見東甌  
暇日羣公集飛軒六月秋管絃邀落景觴斝散清眸  
俯寧雲偏擾迷波池欲浮時花紛浦淑昏鳥識林丘  
忽在三辰上真超萬象遊寰區憐溷濁車馬鬱喧啾  
解帶烹魚飫揮毫藻麗酬微風間白羽岸幘送沙鷗  
自昔觀中宇洪都實上游匡廬巍宰律彭蠡浩悠悠  
節鉞唐開府春秋楚大州文章滕閣最風節穉亭優  
下榻塵埃滿鳴鑾樂事收濤聲還粉堞草色自芳洲  
已有興亡感兼懷盜賊憂羽書諸道急節制大臣留  
立見鯨鯢戮私防玉石仇干戈沉戰艦風浪羨歸舟

河嶽榮三晉秦關啟一周凭闌慙後食彈劔想前脩  
解組陶公性思鄉王粲愁獨嗤非燕領猶自說封侯

鄱陽湖十六韻

太祖平陳日樓船下此湖波濤留壯色天地見雄圖  
水上開黃屋雲中下赤烏士猶詢後載戈已倒前徒  
力屈鯨鯢什聲回鴈鷺呼橫江收玉筥跨海定金符  
文軌遙通楚棹航訖至吳虎賁雖莫敵龍戰豈全辜  
血染猶丹草骨沉空白蕪汀洲夜寂寂霜月鬼嗚嗚  
殺氣鼉鼉徙腥風島嶼孤罾人拾古鏃艇客慨秋菰  
偉彼高光烈還將蕭鄧須英謀協睿筭勇奮想長驅

空同集 十一  
劍瘞神仍王舟焚勢與徂康山魏廟在忠武激頑夫

哭徐博士二十韻

乾坤風色暮江漢哭斯人棘寺翻飛日文園久病身  
數奇官竟左材大命須貧放浪原違癖羈淹祗爲親  
赤城終羽節璧水暫儒紳鷓鴣偏垂翮鯨鯢不縱鱗  
回俎豈道薄屈憤轉時屯藥石魂能返龍蛇讖亦真  
楚狂嗟鳳鳥魯叟泣麒麟邂逅京華始風雲氣象新  
筵鶴陪玉筍倚馬接華裯宅燕南陽月花吟東郭春  
回頭成宿昔開眼漸風塵妻子今誰託文章後益振  
王喬跨鴈鵠傳說化星辰松柏丘墳岬灰沙劍鳥陳  
閶門寒擊甕吳水痛沉珍宿草扁舟阻生芻絮酒什  
碑非蔡邕愧誅豈仲宣倫獨把延陵劍吞聲淚滿巾

南浦驛見官押送來降韃靼詣桂林

款壘因王化投荒荷主恩官爲供廩餼詔許挈兒孫  
瘴雨凋胡服蠻鄉引塞魂分明共日月耐可異乾坤  
慘澹顏容變軒昂故性存彎弓望五嶺似欲遂平吞  
貢院雨夕柬僉僚內江李君十四韻

鎖院春霖積分司湖水遙萋萋灑書閣藹藹度空寮  
葉洗臨軒翠花含向客嬌扣簾時攬食翻卷夜焚膏  
竟誤朱衣點那防白鼠跳蛟龍雲雨會牝牡驥羣挑



忽有同宗念爰申獨處謠涕流真慕賈兵論每凌晁  
意氣陳雷許時名李杜超暫違萌鄙吝相憶減丰標  
草徑青迷馬揚津綠漫橋樓臺迴暝色江海劇風潮  
恒切毛金散帝懸寶劍招橫鱗詎池沼鷓鴣快雲霄

龍沙遇毛君武亭再餞

羈鴻常慕侶谷鳥友先求不盡龍宮興翻成虎帳遊  
夏深濃岸柳雨減出蘆洲棹艤北沙穩山迎西戶幽  
江湖半落照風水獨離憂舊部羣公薦新符百粵州  
天浮洞庭闊海盡日南流白首今遙別金尊莫倦留

秋日訪王生山中因與攜酒躡嶠探蠻王洞

觀古刻遂逾嶺造峴石而飲二十二韻

舊見今相聚新秋爾一過我尋龐氏鹿本美右軍鷺  
草木疎孤峴霜風落漢波紆徐習池轉巉峭寺林多  
道器沉冥蘊天倪吐吸和違羣甘衆吻守一賴神訶  
貧擬懸鶉憲廉持訓蚓軻甲橐魏世業章甫發賢科  
獻策蕢偏斥逃名籍每醜巨魚行縱壑隻鳳且遊阿  
嫋嫋交簷桂菁菁被隰菽柴門伴老衲蕪逕謝鳴珂  
園賁幽人吉谿盤碩士道卜隣王翰欲懷里仲宣頗  
去就堪余哂生涯奈路何昔人竟誰在吾道合狂歌  
逞醉探雲嶠逾巔越石窩洞昏剝字蘚巖裊掛巾羅

空同集 卷二十八 一水寒明練千峯暮集螺笑疑搖地軸手可拂天河  
窈窕奔山鬼光華掩珮娥預防羲馭速取辦魯陽戈

寄陸子深二十四韻

爲復淹邦邑旋仍寄海城一看東泖月幾喚北江鶯  
地濕身曾健潮誼寐果驚烏情終急哺驥子竟何成  
踽踽形將影滄滄弟憶兄累朝誰直筆四海獨蒼生  
前漢留班史雲間挺陸衡餐揮巨口鱸臥聽九臯鳴  
方朔元金馬長門足長卿文章會琬琰舉動必鏗錙  
夜有青藜引晨趨華蓋行數旣楓禁切視草藥階清  
夙昔鄱陽使伊余擁憶征雲霾負隅虎風湧駭波鯨  
黯黯川原血轟逐玉石傾衣冠函竄突戟劍戛摩辱  
卽幸緘書達猶慚虛左迎扶搖冀奮翼騶裊忽垂纓  
混沌玄黃戰陰沉日月精眉山亦按獄谷口合歸畊  
早見羞張摯交讒似屈平竟陳徒憤鬱高義祇拘僇  
茫渤任公釣緱岑子晉笙吾衰尚餘此長嘯舞霓旌

送陳憲使淮上兵備

世徑轉蓬勤清秋袂一分攬綏霜日蕭前路鼓笳聞  
誅卯元兼武出師非乏文渤光搖組練淮色變風雲  
陣偃龍蛇互威行虎豹羣檄須陳記室客有孟叅軍  
校獵歸常月投壺醉每曛椎牛將士飽賣劍婦男耘

河伯黃樓壓芒碭赤氣殷徐人信慄悍楚壤鬱氤氳  
諸盜山東起長驅宇內焚斯邦實兀兀朝論日紛紛  
挽漕初疑阻提兵竟策勳瘡痍鑿不遠喉脇仗須君  
鷲擊豺狼伏春敷草木薰異時功業地孺海接江濱

寄贈余子

余子去吾久行藏今若何黃山住實近白髮爾應多  
身以煙霞癖心通日月和龜蒙元倚釣康節竟成窩  
林壑潛虬日江湖放鷁過鄉人欽杖屨世路笑風波  
初度臨萸菊高筵敞薜蘿橘陳屈子頌鶴擬李生歌  
日落峯回色雲香客半酡壽杯思欲把惆悵隔三河

雨宴封丘別第

飛蓋凌晨集行宮映雨開天爲歌鼓動霧拂舞筵迴  
賓客梁王盛山河故國哀長沙悲舊傳屠市隱真才  
憶昔兒童聚惟今老大催達人元曠逸萬物且形骸  
樂混寒聲沸尊添暝色來斜風霑綺席疎點灑金杯  
雜逞龍仙互先爭虎豹摧轉眸升旭日覆手下秋雷  
尚有懽娛歎須防禮法猜門衢泥淖莫遣引燈回  
黃君五十六歲始舉一子是年余亦有次郎  
黃冬官也厥父尚書余故得侈其家世  
異骨成何晚真毛產固殊雲移丹穴種霧滄渥注駒

空同集 卷二十八  
二十  
騫墮懷中月俄橫掌上珠試啼存大鑑摩頂協玄符  
彌月翻身健暮年認父呼聿曾提俎豆詎但識之無  
鄉里論前輩尚善擬後模終於金石貫貽厥鬼神扶  
冠玉元諸子含香矧丈夫急流棄軒冕長嘯卽江湖  
人每占瞿後天應福趙孤外家邠老裔晚景樂天羅  
瑞擬連胎蚌賢期返哺烏星辰追履上詩禮紹庭趨  
抱子誰非足憂時爾實迂向來頭種種今如子于  
失路均浮梗爲隣獨守株亦偶登獻璞欲何須  
漫俟兒童長虛愁日月驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清漪  
自爾爲三益伊余畏四知周交醇稷飲車坐衆賓嬉  
歎息今遲暮那堪古別離池臺杜甫徧舟楫謝安移  
棹撥天疑破窓旋岸欲隨涼風下菡萏人語避鳥鷺  
暫輟蒹葭唱真生霜露悲但看眼前事能負手中卮  
歛邑誰黃髮汪門汝白眉少遊梁孝苑老動季鷹思  
杳杳憐江海悠悠悵路岐餘霞散錦繡落日湧琉璃  
雲物秋元異懽娛夜更追寒蜚依斷梗微月隱疎籬  
逸氣衰猶壯睽心醉不知淚深南浦草愁重北梅枝  
飲罷還持袂潮平是去時相尋有遙夢應繞碧湖湄

雪臺子家見杏花

九陌春風起居庭一見花偶來吾下馬先有客停車  
猶是輕寒日那禁爛熳霞覓詩巡獨樹汎酒摘高葩  
色故流衣袂香能染絹紗眼中俱是幻身外豈須嗟  
冷暖隨人事行藏付物華明朝約重賞莫遣落塵沙

贈王秋宮二十四韻

紫氣開三極皇風穆四陲嶢嶢金虎地瀟灑白雲司  
東拔才賢入飛騰位望推呂條元慎罰虞典固先疑  
幸自刑書鑄相洽律令垂歷朝徒異議聖代實宏規  
感皞麟麟至囹空狴犴離羣居搜簡帙高揖講黃義

眷此驂騮種曾於汗血知鯉庭真獨授鴈塔果爭馳  
爾在通家子余慚私淑師橐驚文考賦智讓孝娥碑  
道路分雙旆江湖把一麾閣清霜並肅車動雨偏隨  
禮樂徵王粲聲名采杜詩大龜終納錫威鳳合來儀  
振珮游香署我冠侍玉墀臯陶淑問日季路片言時  
汝遂青雲致吾寬白髮悲仕途迂謬逐丘壑太平宜  
但看陰陽轉寧論桑海移雪溪王子棹竹墅謝安碁  
顯晦誰能料流行每若斯寄言諸彥碩努力赴前期

贈復齋子二十韻

豈謂懸弧日今逢獻襪辰

丁亥十一月十九日冬至梅樽初介壽

空同集 卷二十八  
三  
葭管暗浮春王國多賢者朝廷是聖人八荒元皞皞  
七世益振振北斗天元氣南陽帝近親方城鬱律律  
江漢白粼粼憶昔生申甫崧高實降神一陽消長意  
七日往來因刻志耽經史忘形下縉紳座無絕纓客  
門有曳裾賓楚醴朝朝設梁園事事新心於業遂廣  
性以學而淳禮樂河間竝文章子建隣八公傳訣日  
三老述年晨瑞霧濛朱閣香塵擁畫輪筵開金玳瑁  
煙裊玉麒麟避地淹叢桂停雲詠大椿力耕知稼實  
苦節愧儒珍欲振扶搖翮其如潦倒身呂嵇千里駕  
終擬託雷陳

陶行人宅贈

大道僧門對蕭然陶舍深未論五楊柳真懸一素琴  
坐向霜烟夕時聞鴻鴈音城笳流海思邊月起秋陰  
苦勸蒙騰醉應懷長別心但看得雲翼翼冥冥誰竟尋  
漢上遇鍾叅政

長安一爲別十載但書傳我自河南至君來自馮川  
偶逢知萬事重會是何年館靜風依馬江鳴雨濯船  
情多看轉默酒後惜分眠明發孤帆疾愁經大別邊

登盤山頂顧望三湖

爲訪三湖寺春山獨自來千盤不到頂萬壑劃爭迴

石罅鳴鷄犬林風過虎豺俯觀侯趙樹西望白雲臺  
峯日明寒雪谿泉激暗雷若非武陵口那得有桃開

空同子集

卷之二十八終

空同子集

卷之二十九

北郡李夢陽撰 東莞鄧雲霄歛潘之恒蒐校

詩類七之一 七言律

赴郊觀宿

曉詣西壇候 駕

西壇候

駕郎事

扈從耕籍

桂殿

謁陵

右次大禮六首

秋懷八首

雪後朝天宮

新秋見月

春晴憶湖上

晚晴郊望

郊行

河發登望

時景

見雲雷垂垂不雨悵然有作

聞傍郡雷雨

盜賊

喜雨命酌

晚晴步園

正德辛未四月十七日簡書始至於時久旱甘

澍隨獲漫爾寫興

旅泊雨夕聞鴈

日照

杪夏急雨江州

繁臺春集

僦居避隘般移之日雨乎適至厥時久燥

出郊

探春

野園

又歸繁臺別業漫興

雪日繁臺院閣酒集

雪後上方寺集

歲暮五首

春暮丁丑年作

夜風堂前冬青架竹折其二榦曉雪驟至

戊寅早春上方寺

無題戲效李義山體

蒔植甫畢風雪遽至漫爾有作

為園

晚秋明遠樓宴集

新年作次喻監察韻

甲申元日試筆柬友



九日詣東莊遇水則舟之同黃李二生

正月大雨雪遣懷

陶君誇其分司桃花獨樹余往觀之賦此

和君席上海棠賞之二首

莊上看花歸見庭中海棠落英與客同賦

春日過黃公新堂 夏日

陶公過曹濮分司見叢菊蔓草中移之自隨有  
詩傷之豈以爲家物耶余覽而和之

正月四日始出赴黃子之宴南隣何儀賓以美

醪助杯卽席口占

陶王二君來賞牡丹

冬日學司偶見庭菊

晚秋東莊宴集 二月望留雲閣雨集

海棠爛然要諸君子賞之分韻得壺字二首

雨中海棠 艮嶽篇

右次感述六十四首

七言律一

大禮

赴郊觀宿

城邊水色淨春茅苑外鶯啼拂露梢萬戶煙花臨複

道九天宮殿鎖南郊  
霓旌夜發清溪繞  
彩仗晨飛碧樹交  
身到鈞天渾不解  
坐聞仙樂下雲旂

曉詣西壇候 駕

萬宇沉沉曉漏催  
九關魚鑰遲明開  
闐闐鼓角空中起  
片片氈煙霧裏來  
氣結龍文隨御幄  
風傳虎旅發仙臺  
叨從百辟觀周典  
不向秋風數漢才

西壇候 駕卽事

太歲宮高接禁牆  
先農大燾兩相望  
陰陰背日朱旗閃  
黯黯參天翠柏長  
別殿氈煙清幄次  
虛壇草色淨琴張  
祠官指點躬耕地  
田畯行瞻袞鉞光

扈從耕籍

天行近野團龍蓋  
萬姓環門識袞袍  
竟畝難寬卿相力  
藉耕無乃聖躬勞  
侵壇碧草茸茸起  
去殿紅雲冉冉高  
已忝賜筵思報述  
卽陳潘賦愧詞曹

桂殿

桂殿芝房曙色通  
垂垂苑柳綠煙中  
桑乾斜映千門月  
碣石長吹萬里風  
已有金吾嚴御陌  
遙傳玉輅下齋宮  
侍臣鵠立松陰裏  
時倚紅雲望碧空

謁陵

本朝陵墓傍居庸  
聞說先皇駐六龍  
一自玉輿回朔

空同集 四  
漠遂令金殿鎖秋峯明裡袞職雖多預備物祠官豈  
盡供報祀獨知今上切每於霜露見愁容

感述

秋懷

龍池放舶他年事坐對南山憶往時紫閣峯如欺太  
白昆吾山自繞皇陂雙洲菡萏秋堪落亂木蒹葭晚  
更悲谷口子真今得否攀雲騎馬任吾之

其二

慶陽亦是先王地城對東山不窳墳白豹寨頭惟皎  
月野狐川北盡黃雲天清障塞收禾黍日落谿山散  
馬羣回首可憐鞞鼓急幾時重起郭將軍

其三

宣宗玉殿空山裏野寺霜黃鎖碧梧不見虎賁移大  
內尚聞龍舸戲西湖芙蓉斷絕秋江冷環珮淒涼夜  
月孤辛苦調羹三相國十年垂拱一愁無

其四

苑西遼后洗粧樓檻外芳湖靜不流亂世君臣那在  
眼異時松柏自深愁雕闌玉柱留天女錦石秋花隱  
御舟萬古中華還此地我皇親爲掃神州

其五

胡奴本意慕華風將校和戎反劇戎遂使至尊臨便  
殿坐憂兵甲不還宮調和幸賴惟三老閱實今看有  
數公聞道健兒今戰死暮雲羗笛滿雲中

其六

大同宣府羽書同莫道居庸設險功安得昔時白馬  
將橫行早破黑山戎書生誤國空談裏祿食驚心旅  
病中女直外連憂不細急將兵馬備遼東

其七

曾爲轉餉趨榆塞尚憶悲秋淚滿衣沙白凍霜月皎  
皎孤城哀笛鴈飛飛運籌前後無功伐推轂分明有  
是非西國壯丁輸輓盡近邊烟火至今稀

其八

崑崙北極轉天河獨馬年時向此過渥洼西望迷龍  
種突厥南侵牧橐駝黃花古驛風沙起白雪陰山金  
鼓多况是固原新戰鬪居人指點說干戈

雪後朝天宮

馬上城中見雪山白雲蒼霧滿燕關蓬萊咫尺無人  
到松柏黃昏有鶴還當日翠華游物外百年金殿鎖  
人間浮塵擾擾江湖遠悵望巖樓不可攀

新秋見月

憶在黃河草堂靜坐臨秋月孤娟娟水門蕭條向蘆  
葦石瀨逶迤回舸船頻干祿食去多阻遠望江湖情  
可憐傳語魚龍莫浪喜抱珠今夜且須眠

春晴憶湖上

湖上晴煙積雪春柳條湖水接芳新林鶯恰恰稀逢  
侶岸日暉暉低向人汀芷渚蘭暄自碧浴鳥飛鷺晚  
相親弄移白日思漁舸嘯倚青雲愧此身

晚晴郊望

早時鳴雨晚細微忽有返照來荆扉山禽水禽交止  
語桃花梨花相逐飛村村柳條弱欲斷家家麥苗青  
不稀睡起登樓時極目出雲歸岫願何違

郊行

二月梁園獨未歸岸花汀柳各依依且將弱纜牽行  
騎莫厭繁香點客衣蝶暖風暄從自得鳥黃沙白爲  
誰飛平生漫有憐芳興未老能令萬事稀

河發登望

七月七日河水發康王城邊秋可憐買魚沽酒此村  
口打鼓鳴鑼何處船白晝蛟龍時一鬪中流日月晚  
雙懸紛紛估客休回首漁子清歌會渺然

時景

梁苑桃花寒復開，塞門霜雪鴈飛迴。  
天涯涕淚秋偏墮，歲暮陰陽老更催。  
無病過年遊五嶽，不眠終夜望三台。  
歸鴻漸木終非地，濁浪滔天首重回。

見雲雷垂垂不雨悵然有作

大梁城東雲出雷，挾風拖雨故徘徊。  
黃鸝坐樹深無語，紫燕銜泥阻未迴。  
卽恐孝娥爲旱塚，不聞神女傍陽臺。  
火雲西日垂垂暮，屋隙愁看返照來。

聞傍郡雷雨

尉氏陳留雷雨深，大梁猶繫望霓心。  
當堦螻蟻亦愁思，對面斑鳩空好音。  
河朔樓臺安避暑，塞垣金鼓助沾襟。  
江離憔悴黃塵滿，寂寞魚龍何處吟。

盜賊

敕書新調蜀襄兵，漢北關南寇未輕。  
密邇千斤竹查嶺，不聞滿四石頭城。  
秦州卽易通王貢，棧道終難拔漢旌。  
安得較如曹相國，務農休甲賀昇平。

竹查山劉千斤叛地也滿四成化間叛賊

喜雨命酌

毒熱兀兀滯梁城，不眠聽雨到天明。  
沙田易涸應全賴，稂莠雖鋤却更生。  
年稔不須防盜賊，家貧兼得免經營。  
紛紛披檻竹迎余，笑遮莫尊醪起自傾。

晚晴步園

覽霽羣芳媚小園步林斜日淨幽軒歸雲過雨時  
濕並葉牽風對直翻幸有桑麻供暮景苦聞豺虎徧  
中原天闢霞石熒熒晚瓦雀林鴉各自喧

正德辛未四月十七日簡書始至於時久旱

甘澍隨獲漫爾寫興

苦蒸卓午汗交頤昏暝雨飛如颺絲舟楫自茲杳將  
去波濤滿意復何疑璽書况屬臨門日江漢須看放  
舸時肯信吾遊兼吏隱五峯彭蠡是襟期

旅泊兩夕聞鴈

季秋鄱岸陰陰雨殘葦折荷翻白濤此夜孤舟聞鴈  
語隔雲何處認風毛隨陽定慣湖波險避弋直驚塞  
角高南去北來同一旅世情人事莫蕭騷

日照

日照江烟翠欲重夢迴沙觀始鳴鐘浪於洪郡思洪  
子豈合松門有赤松萬事寸心徒計較兩鬢衰鬢且  
從容靜來陡覺忘言好把酒看花意每濃

山在新  
建縣

杪夏急雨江州

急雨吞江倒石根吐雲匡岳近城門驚雷不下雙蛟

空同集  
九  
鬪孤電能開九疊昏白晝黃濤翻庾閣蒼崖翠木溜  
陶村乘時詫有扶搖力六月東南見化鯤

繁臺春集

小徑緣臺春自花重堤飛閣盡雲沙能將白髮隨流  
輦奈有清壺遣歲華斷塔草垣增闕寂古城芳岸趨  
欹斜忽驚旅鴈思南北海色邊愁入暮笳

僦居避隘般移之日雨乎適至厥時又燥

土市子東曹門西衡門之下聊栖栖古堂疎豁還高  
榻故國行藏有杖藜已多佳樹琴書靜復值炎天雷  
雨低幡幡麥秀真堪喜阮籍窮途未足啼

出郊

簡懶經秋此出郊野煙霜日靜衡茅林桃葉盡青猶  
實陂麥苗齊綠自苞堤曲獵狐穿雪窟塔巔彈鶴落  
風巢隨心樂事非難取舉眼平生覺易拋

探春

老去探春每怕遲酒朋棋伴日相追無心柳絮當人  
起有意桃花背馬隨臺榭草蒿離亂後往來絃管古  
今悲幽崖尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何



空同集  
日弄藥攀條看遠天撲酒遊絲低細細近人間蝶過  
娟娟真知白日繩堪繫莫使孤城入暮煙

冬歸繁臺別業漫興

莽壙孤城此卜居宋臺梁苑獨行予虛名馬愧千金  
後白首螢憐萬卷餘踏麥遠堪寒葉翠看梅無那臘  
花舒相逢莫漫嗔吾放野醉郊吟盡可書

雪日繁臺院閣酒集

臘朝筵向雪邊開倚閣風從萬里迴枯樹故當看處  
濕飛花偏墮掌中杯山河文物他年賦今古衣冠異  
地材舉日蕭蕭改天色玉梯扶醉更登臺

雪後上方寺集

雪罷園林出碧梧上方樓殿靜虛無日臨曠地冰先  
落雲破中天塔自孤爛熳此堂人醉散一雙何處鶴  
來呼邀留更待松門月今夜同君坐玉壺

歲暮五首

萬木蕭蕭俱歲暮疎梅脩竹可憐風三河晴雪飛鴻  
裏四海孤城返照中白首園林惟聞寂紫塵車馬自  
開通誰堪物序驚前事况復馮高數廢宮

其二

臨除絃管益紛紛考鼓撞鐘處處聞蜀錦越羅連夜

製綵蛾花勝逼年分流傳自是豪華地悵望能堪日  
暮雲澤草芊芊已新色鴈南猶起北風羣

其三

堂北融泥雲氣生堂南枯樹兩禽鳴冰霜眼過風須  
轉歲月心懸老自驚辭臘酒憐比舍餽迎春篋欲上  
階明壯圖回首今遲暮點檢塵埃笑拂纓

其四

歎往嗟來祗自疑  
即鬢如絲同朝鷓鷯雲霄  
隔故國松楸道路疑  
愁偏勃勃檻梅偷臘故  
垂垂端居寂寞無雙蒂強食栖遲有一枝

其五

歲當癸酉廬山曲冬盡扁舟記獨樓湖海合冰龍晝  
立谿林壓雪虎時啼陰陽晴晦雙過鳥南北行藏一  
杖藜今日中原對河嶽暮雲回首楚江西

春暮丁丑年作

歲歲花時出醉歸傷心今日復芳菲善開朱杏非雙  
蒂懶轉黃鸝只自飛海內詩朋官罷減城中酒伴病  
來稀庭枝爛熳催春暮日午風香獨倚扉

夜風堂前冬青架什折其二榦曉雪驟至

冬青手植年真久冷日寒姿頗映堂追悔木闌晴未

五同集 八  
補忍教風榦夜俱傷亂階朱實離離靜什雪青條  
舊長翹首高雲憶松柏後凋溪壑轉蒼蒼

戊寅早春上方寺

地闊城空春自幽青松黑塔雲常浮入門鈴磬忽一  
發暇日臺池聊共遊連錢沓來誰氏騎白玉競浴何  
年鷗醉筆要知吾漫興明朝休用碧紗留

無題戲效李義山體

曾倚清酣奏絲毫象牀冰簟玉樓高徐娘老去風情  
在班女愁來賦興豪秦柳日斜傷渭曲楚蘭春暮怨  
湘臯仙根寂寞崑崙遠浪說人間有碧桃

蒔植甫畢風雪遽至漫爾有作

草樹新培置藥闌醉吟閒凭足心寬豈虞晨雪娟娟  
布無那春枝颭颭寒猶有一花當坐媚幸留雙柏與  
人看日晴紅綠應全勝爲勸先生且放餐

爲園

平生走馬呼鷹地白首爲園學種瓜碧草故邀安石  
屐青天常滿邵雍車圍闌換土心真苦繞菊依松徑  
不斜昨遇日晴閒自步別蹊桃李又風花

晚秋明遠樓宴集

斜日層城合暮煙新晴高閣敞秋筵衣冠四海追遊

空同集  
地霜露中原感慨年去鳥來鴻凭檻外飛雲落木把  
杯前回身忽在星辰上醉眼真疑到九天

新年作次喻監察韻

新年雨雪亦太憇十日中無一日晴豈應雷電除夜  
作復爾天鼓東南鳴諸軍幸掃蓮池穴大將宜堅細  
柳營幾欲臨風撫長劍白頭還自笑書生

甲申元日試筆柬友

人生五十驚衰醜五十從今又數三老慢更何防市  
虎少狂曾亦濫朝駟鸞舊侶俱鳴珮鹿豕深山自  
結庵短髮不須憂重白吾居元傍百花潭一作菊

九日詣東莊遇水則舟之同黃李二生

出門萬木吟風葉挈友重陽上野舟數月雨陰今白  
日一身天地此清秋逐時莊菊花初放應節村杯酒  
暫酬晚暮更催雙棹返汴州誰信有滄洲

正月大雨雪遣懷

梁園春初雲不開雪花壓城滾滾來似有驅龍朝玉  
闕豈無騎鶴下瑤臺光牽五嶽黃煙動勢擁三河白  
浪迴欲向瓊樓問寒暖袁安今已臥蒿萊

陶君誇其分司桃花獨樹余往觀之賦此

老懶今來特爲花花奇親見主人誇入門風片時時

空齋集 十四  
墜近酒春枝故故斜湖海一尊憐舊侶乾坤雙鬢愧  
年華明朝許赴柴門約共醉東園萬樹霞

和君席上海棠賞之二首

老興看花不厭頻折紅攀綠總怡神孤枝解動雙樽  
影數朶能回四座春誰遣物華成歲色自多人世有  
閒身年來斷酒因脾濕爲爾還應暫入脣

其二

餅中海棠亦太劇細小翠擁臙脂深穠姿故薰欲醉  
眼芳信暗傳嘗苦心偶逢一枝已自惜若臨全樹更  
須吟花時不道天無意一日常橫半日陰

莊上看花歸見庭中海棠落英與客同賦

三日野花風打稀朝遊酒伴暮醒歸臨門夭桃不汝  
惜當院海棠胡自飛已憐錦繡半鋪地更訝芳香時  
點衣便應與君酌明月醉眼天地生光輝

春日過黃公新堂

黃家新堂逼春起紫燕尋巢時自來久陰煙雲眼底  
豁乍晴河嶽窓中開物情野色且幽寂日光人意能  
徘徊持杯布席就芳草醉深同臥林邊苔

夏日

稍喜夏來天日晴遽看諸物盡生成纍纍杏實攢高

蟻赤石榴花坐小鶯晝夜寒暄猶混雜乾坤清濁固  
分明留賓酒茗吾能供春筭滿林今更生

陶公過曹濮分司見叢菊蔓草中移之自隨  
有詩傷之豈以爲家物耶余覽而和之

野館寒芳抱自知好吟公子發秋悲春風世路元桃  
李霜露鄉關有鬢絲三嗅草萊行復立數株車馬載  
還隨東籬可謂君家物竹帛勲名晚節垂

正月四日始出赴黃子之宴南隣何儀賓以

美醪助杯卽席口占

杜門常日追游少新歲初筵獨詣君幸有隣家能過

酒况多賓客善論文樓臺霽日斜含雪竹樹和煙暮  
閣雲入夜不歸雙燭秉近尊猶喜落梅芬

陶王二君來賞牡丹

同城何苦不同歡况復春風到牡丹香滿正宜攜酒  
問色深翻奈近燈看綵雲黃霧晴長擁澹月微霜夜  
故寒任使羣芳妒傾國古今須讓百花冠

冬日學司偶見庭菊

凍雨晴霜爾自開偶逢私恨過秋來違時只爲含中  
色入藥終須顯上才已許數花卷袖采能分一本向  
籬栽冬巡若憶重看約莫使文軺觸雪迴

晚秋東莊宴集

郊園秋晚只風林冠蓋羣遊是盍簪楓葉近尊朝映  
日菊叢淹坐暮橫陰煙霞故引旌旗色鳥雀應疑簫  
笛吟月底金鞍散歸馬野雲回首少微深

二月望留雲閣雨集

今年花朝花爛開春風細雨臨高臺繞闌紅濕舞英  
重偏窓黃閃流鶯迴連日霖霖地已足薄暮風雲天  
更來眼看萬物歛生色爾我胡惜黃金杯

海棠爛然要諸君子賞之分韻得壺字二首

繞樹巡簷興恨孤縵紅繁綠似渠無童知小徑晨先  
掃客有高軒夜特呼已拚落英欺舞袖更堪歌鳥勸  
提壺幸能老去花常健遮莫尊前醉共扶

其二

春深花樹爛模糊花下朋遊酒一壺帽側故拳輕朶  
插席安仍取積英鋪日烘擾擾蜂能趁煙動關關鳥  
更呼客散獨燒高燭照老來真自笑狂夫

雨中海棠

憐花常欲報花安醉眼冥冥雨自看朶朶胭脂深更  
濕杯杯竹葉滿須乾等閒細片休輕落率爾春風且  
恁寒朝爲行雲暮仍雨凌波獨立汝應難

良嶽篇

宋家行殿此山頭千載來人水一丘到眼黃蒿元玉  
砌傷心錦纜有漁舟金繒社稷和戎日花石君臣棄  
國秋漫倚南雲望南土古今龍戰是中州

空同子集

卷之二十九 終



